



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : SALEM-IMMANUEL LUTHERAN COLLEGE

**學校名稱** : 南亞路德會沐恩中學

**Name of Play 劇名** : 雙·獨

**Script writer 劇作者** : 陳慧明老師

**Synopsis 故事大綱 :**

N 市有一特別條例，每市民需於十八歲前必須完成某項公民責任，若未能履行將有嚴重後果，單丹在十八歲生日前一天仍未能完成公民責任，將有被剝奪不少權利及福利，在家庭、朋友、社會周遭的催迫下，單丹將如何面對？從中亦引發思考人為個體與群居之矛盾與關係。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

## 第一場

(一個普通家庭的客廳，有梳化、有餐桌座椅及一時鐘，早餐已放在桌上，單父及單母坐在餐桌上，單父坐靠台右，單母坐中間位置，而台左 DOWNSATGE 位置放滿一對對的物品，像是一間鋪頭窗櫥，與客廳看似是兩個區域的世界)

母： 爹 D，等陣由你同阿女講。

父： 我唔係無講過，阿女幾堅持你唔係唔知。而且一個人有佢嘅睇法都唔係唔好，似足爺爺嫲嫲。

母： 咁你係咪唔理你個女啦，你係咪要睇住佢.....

父： 有暫緩期，有暫緩期可以申請.....

母： 暫緩極都係有限架，我要治本方法。

父： (稍壯一壯勇氣)我地係咪都要尊重吓阿女?

母： 我地係咪都要保護阿女?

父： 我明白佢，我想.....

母： (壓著聲威嚇)我想你做老豆嘅勸勸阿女!

(單丹穿著校服從台右出)

丹： 早晨。(走到梳化坐在換上皮鞋)

母： (稍收斂)你唔係話今日下晝先返學補課嘅，點解咁早就換定校服?

丹： 我約咗阿華食個早餐跟住一齊返學。

(見到父母已預備三份早餐)

丹： 媽咪，**SORRY!**我唔記得話比你聽，阿華尋晚先 **WHATSAPP** 我約我豪食早餐慶祝生日，唔緊要，我可以食少少。我都好為食架。(說畢坐下)

(向父示意，父示意母說)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 母： 阿女!
- 丹： 咩事?
- 母： 爹 D 有嘢同你講。
- 父： 啊!....生日快樂
- 母： 爹 D 呀!
- 丹： 多謝爹 D。
- 母： 唔係呀，爹 D 有啲重要嘅事同你講。
- 父： 係呀，好重要架----你今晚記得要早點返嚟，我哋一家人一齊慶祝。
- 丹： 梗係記得。
- 母： 爹 D 呀! (父努力吃早餐)阿女，過咗今日你十八歲啦，有無為自己打算下?
- 丹： 媽咪，你又提呢啲嘢!我講過我自己會諗架啦.....
- 母： 諗到依家十八歲啦，我同你阿爸都好擔心你.....上次我地咪同你揀咗阿 JO 嘅，佢都幾好呀，再吾係可以問下隔離 B 仔。
- 父： 吓?嗰個 8 歲靚仔.....
- 母： 咁咪點?阿女，無論邊個，阿明、嘉偉、SUSAN、甚至沚珊都好，都要搵個人架!
- 丹： 點可以隨便搵個人架，哩個人要同自己一生一世，其實我駛唔駛咁早做決定?
- 母： 早? (提起與父牽著的手)我同你爹 D 十五歲就係喺埋一齊，我地咪生活得好好。
- 父： 真係好好?(母予凌厲眼神)真係好好!
- 母： 阿女，你過咗今日，如果仲係一個人，我擔心你未必可以好好過生活。阿女你認真考慮一下隔離 B 仔!不如我同你依家就同你過去問下.....
- (丹望望手錶)
- 丹： 呀! 夠鐘我約咗阿華，我走先啦。
- (提起書包從台左出)
- 父： 記住今晚早 D 返嚟切蛋糕
- 母： 爹 D



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 父： 如果一個人可以做 D 嘢，那怕係「抗命」，而能夠引起關注，我諗唔係壞事……我好無用，一 D 都唔似我阿爸阿媽……
- 母： 我唔想阿丹似佢爺爺麻麻
- 父： 但如果係一件佢覺得係啱嘅事呢？我地做父母嘅唔想極都會唔會尊重佢嘅決定？。